

Oises Wininge

Musik: Christian Fotsch

Text: Nicola Blaser & Sonja Sendor

Intro (2x):

Im Limmattal simmer alli dehei
Im Limmattal isch niemert ellei

1.Strophe:

S' isch Früehlig in Wiinige
D'Chüe sind uf de Weid
D'Räbe wieder schön ihri Blüete treit
S'git es Fäscht
All sind debii
Ob mit Wasser oder Wii

2.Strophe:

S' isch Summer in Wiinige
Vo obe brännt d'Sunne
Mer gumped zäme in Linde-Brunne
Ob chlii oder gross
Bi eus isch immer öpis los

Bridge:

Euses Wiinige
Da git's vieles z'gseh
Und no viel meh

Refrain (2x):

Aarau oder Bern
Uf Wiinige chunsch gern
S'git Löie, Linde
Alles bi eus z'finde
Chur oder Brugg
Uf Wiinige chunsch zrug
Ob lätz ob rund
Ob Chatz oder Hund

Intro (1x):

Im Limmattal simmer alli dehei
Im Limmattal isch niemert ellei

3.Strophe:

S' isch Herbst in Wiinige
S'git riifi Truube
Die tüemer alli i d'Fläsche schruube
S'git Suuser oder Wii
Bim Wümmet sind all debii

4.Strophe:

S' isch Winter in Wiinige
De Hoger durab
Min Schlittä isch scho lang parat
Am Chränzli machsch de Spagat
A de Fasnacht bisch Pirat

Bridge:

Euses Wiinige
Da git's vieles z'gseh
Und no viel meh

Refrain (2x):

Aarau oder Bern
Uf Wiinige chunsch gern
S'git Löie, Linde
Alles bi eus z'finde
Chur oder Brugg
Uf Wiinige chunsch zrug
Ob lätz ob rund
Ob Chatz oder Hund

Intro (2x):

Im Limmattal simmer alli dehei
Im Limmattal isch niemert ellei